

الرشاد

س ۶ ۱ ۳۰ ۳ ۱

والله يهدي من يشاء الى صراط مستقيم ديني ، علمي ، ادبي ، سياسي هفته لقي بمجموعة اسلاميه در اتبعون اهدكم سبيل الرشاد

صاحب و مدير مسئول : ح . اشرف اديب

جلد ۲ - ۹

۲۹ تشرين ثاني ۱۳۲۸

پنجشنبه

۲ محرم ۱۳۳۱

عدد ۴۰ - ۲۲۲

هامش - بو مقاله مزك غزته كزله درجته ، و اكر ارزو ايدرسه كز آنك جرايد اجنبيه ايله دخي نشريته ، كال ممنونيتله سزه اعطاي مآذونيت ايدپورز .

ايشته فرانسزلك ساخته عثمانلي ديه توصيف ايتديكي روملك عثمانليقله استنزالي وتخت عثمانلي قارشى كستاخلقلى :

تخت عثمانليه بطريقاق تختي

روجه « ثولوغوص » ك ۱۹ تشرين ثاني باش مقاله سندن :

« كرك استبداد زمانده ، كرك اوليغارشى اداره سنده دائماً دوچار تجاوز وتعييات اولان يونان عرقه ده مسعودانه بر استقبال تحيل ايدن شرق بيوك رئيس روحاني و مليسى ، شرق اورتودوقس كليسا سنك سانسده كي بيوك وضيا دار ييلديز ، كچن صالى كوني نابوسم ، فقط شانلي بر صورتده افول ايتشدرد .

زيرا بو افول ، بر طرفدن ژون تورك اداره سنك انهدامى ، ديكر طرفدن يكي بر دور حيات كشاد ايدن احوال و شرائط فوق العاده نك حدودي صره سنده وقوع بولشدرد . اوله احوال و وقايع كه بيوك رئيس روحانيك بر جوق سنه لردنبري ايجنده ياشاديني ، آجيلر واميدسزلكردن ماعدا برشى كورمديكي احوالدين يك فرقيدر .

بو ييلديز ، احوال كه غير قابل حصول و فقط جسور و قوتلى خيالنك خلق ايلديكي طاتلي رويالر واميدلر آره سنده سونميدرد .

بو رأس عظيم و متفكر صوك كونلرده (ره تاليزم) دن اوزاقلاشمى سوردى . حالوكه ، رعيه سنك ، كليسا امتيازاتنك دوچار تحقير و تجاوز اولديني زمان (ره تاليزم) ي كنديلريله كوروشلره توصيه ايدردى .

اورتودوقسلغك بو رأس مبجل بطريقلكي زمانده بر جوق زهرلر ، آجيلر ايجمش ايسه ده صوك كونلرده اميد ايله مالا مال يكي بر عالم ايجنده ياشامق بختيارلغندن ده محروم قالامشدر . شيمدي يه قدر تاريخي و ظلميده اولان بطريقلق تختنده اوطورانلر تعقيب اتدن ، تحقيراتدن ، فلاكتلردن و تجل و زلردن باشقه برشى كورمديلر . حيات دنويه لرنده بر شعله اميد مشاهده ايتديلر ، فقط يواكيم ، ولو كه نجم حياتنك اثنائ غروبنده اولون ، لمعه اميديني كورمش ، قلبى بر حظ وجداني و روحاني ايله متحسس اولديني حالده ترك حيات ايتشدرد .

سبيل الرشاد

جراتك ، كستاخلغك بودرجه سى دنيا نك هيچ بريرنده كورولمه مشدر . بوسوزلى استانبولده اداره عرفيه آلنده چيقان بر غزته يازييور . عثمانلي مسلمانلري يوقا ريده كي مكتوبله بومقاله يي كال دقت ايله او قومي و عبرت آلملى درلر . بيجاره عثمانلي مسلمانلري بيك فلاكت ، بيك مصيبت ايجنده قيورانيور ؛ رومانك رأس مبجل ايسه قلبى بر حظ وجداني و روحاني ايله متحسس اولديني حالده ترك حيات ايتمش ! نه طوغرو سوز ، نه آجى حقيقت ! ياشاسين اتحاد عناصر ! شاق ، شاق ، شاق .

بو حقيقتلري بوندن ده بيك اوچيوز بوقدر سنه اول بيلديرن ايشته ايكي دستور قرآن :

(۱) واعتصموا بحبل الله جميعاً ولا تفرقوا - ولا تنازعوا ففشلوا وتذهب ريحكم .

(۲) ولن ترضى عنك اليهود ولا النصارى حتى تتبع ماتهم . فقط بز ، بولايتغير قانونلرك ، بو دساتير اجتماعيه و قوانين حياتيه نك هيچ برينه رعايت ايتدك . نظام سز ، قانون سز كاشات ياشايه مديني كي ماتلر ، جمعيتلرده ياشايه ماز .

قرآنى يالكر نماز ، اوروج كتابى عد ايتدك . بيكلرجه اوامر اجتماعيه و حيايه نك هيچ بريني نظراهميته آلمادق . عاقبت « فدمرناها تدميراه سرينه مظهر اولدق . متعدد دولتلر تأسيسنه كفائيت ايدمك قدر قطعه لر من افول ايتدكدن ، يوز بيكلرجه قارداش لر من محو اولدق دن صوكراده مسلمانلر اويانمايه جق ؛ كتابى ، قانون حياتى آكلايوب آنكله عامل اولمايه جقمى ؛ او ، بيلير ! آرتيق هرشى آكلاشيلدى . طوبلرله ، توفسكلرله بتون حقايق كسب وضوح ايتدى . بوندن اوته سى اضمحلال مطلق در .

يا قرآن ياشايه جق ، يا ملت محو اوله جق !

هم شونى ده بيلملى كه قرآنك ياشامسى بز و وجود مزه متوقف دكلدر . (من یرتد منكم عن دينه فسوف يأتي الله بقوم يحبهم ويحبونه اذلة على المؤمنين اعزة على الكافرين يجاهدون في سبيل الله ولا يخافون لومة لائم ، ذلك فضل الله يؤتيه من يشاء ؛ والله واسع عليم .) بز دبدن يوز چويررسه ك الله اوليله بر قوم كتيرر كه كنديسى اوللري ، اوللرده معبود مطلقلرني سورلر . بو مبارك قوم ، مؤمنلره قارشى رحم ، لكن دشمنلره قارشى شديد اولوب في سبيل الله مجاهده ايدمك ، لائلك لومندن اصلا پرواسى اولمايه جقدر . ايشته بو مظهريت جناب حقك عنايتي در كه ايتديكنه ويرر . الله واسعدر ، علميدر .

شيوه

بالقائل محاربه سى :

مباركه عقيديني متعاقب مقدمات صلحيه ايله اوغراشلمش و بوهفته لوندرده تشكيل اولونه جق مذاكرات صلحيه يه مرخص تعيينيله اشتغال اولونمش در . دولت عليه طرفسندن عثمانلي آژانسك تبليغه نظراً بحريه ناظري صالح ، زراعت و تجارت ناظري رشيد و برلين سفيري عثمان نظامي پاشا لر تعيين اولونمشلردر . بلغارلر طرفسندن دخي باش وكيل و خارجيه ناظري كشوف ، بلغار باش قوماندانى جنرال صاووف و بلغار ماليه ناظري طودوروف تعيين اولونمشلردر .

عالم اسلامده تظاهرات

تفقا ياره :

« نوويه وره ميا » نك قفقاسيه مخبرى ، بالقان محارباتنك قفقاسيه اسلاملري اوزرينه اجرا ايتمش اولديني تأثيردن بحث ايدمك : « بوراده بيوك برهيجان وار ، اراضى و املاك صاحبي و بيوك سرمايه دارلر ، عمله و بتون مسلمان اهلينك اتحاد اسلام ناشرلري تحت تأثيرنده اولوب توركيه نك دوچار اولديني مشكلاتي روسيا دولتنك انترقيه سته حمل ايله روسيا عليه بيوك بر جريان فكري ، كيندار بر حس عداوت پرورده ايدپورلر » ديه دوائر حكومتى تيقط و انتباهه دعوت ايدپور .

روسیاده :

روسیاده نشر اولنان بالجله اسلام غزته لری قربان بایرامی مناسبتیه یازمش اولدقلری مقاله لرینی بالقان محاربانیه حصر ایددرک خلافت اسلامیته نك بویه معروض مهاجمات اولدینی برزمانده ، مسلمانلره بایرام دکل ماتم لازمدر ، دیه مختلف تعبیرلره صمیمی برحس اخوت اسلامی اظهار ایلمکده درلر . انسان درونی بر آجی حیل یازیلان بوسطرلری اوقودقه بوتون فلاکت حاضرده قارش برامید استقبال منیبی اولان شو «حس اخوت» ی کورمکه جداً تسلیت یاب اولیور .

هندستانده :

لاهور شهرنده منتشر (پسته اخبار) نك یازدیغنه کوره : دهلی ، الله آباد و دیگر برقاچ شهر علماسی طرفندن نشر ایدلمش اولان فتوا مسلمانلر اوزرینه بیوک برتأثیر اجرا ایتشددر . فتوا خونندن عبارتدر :
«هرکیمک ذمتده ذکات ، صدقه و خیرات سائر وارسه دولت عثمانیه»
«هلال اجر جمعیتنه اعطاسی تقدیرنده ذمتده بولنان فرائض و واجبات ساقط»
«اولور» .

بوفتوانک نشری مسلمین اوزرینه بیوک برحسن تأثیر اجرا ایتمش و حتی بعض ذوات قربان ذبح ایتیموب بدلاتی اعانه یه ترك ایتشددر .
بو خصوصده لوندرده بولنان (امیر علی) حضرتلری طرفندن ده هندستان مسلمانلرینه خطاباً برتلغرافنامه کشیده اولتمش ، بوده بیوک برحس غیرت و حمیت اویاندرمشدر . دیگر طرفندن (آغاخان) طرفندن کشیده ایدیلن برتلغراف کذاک بیوک برتأثیر اجرا ایتشددر .

اعانه یه کمال گرمی ایله دوام اولتمده و حتی برجوق حیتمند (هندولر) یعنی پترستلر طرفندن بو امر خیره اشتراک ایدلمکده و وطنداشلیک شو تشبثی مسلمانلری پک زیاده مسرور ایله مکده در . هندستانک وسعت اراضی و کثرت نفوسندن ناشی اعانه درج و جمعنده بعض مشکلاته تصادف اولندیغندن بعض متفکرین ورؤسای هندستان طرفندن بالجله قرا و قصبانده اعانه قو- میسیونلری تشکیلی قرارگیر اواشدر . بوتشبتانه انکلیز حکومتی طرفندن هیچ بر ممانعت کوسترلهمسی موجب تشکر اولمده در . برطرفندن اعانه یه دوام اولندیغنی کی دولت علیه عثمانیه ایچون حین حاجتده براستقراض حقنده در بعض تشبثات وقوع بولمده در .

مظالم صلیبه

سرنیکده :

مخابر مخصوصلرک یازدیغنه کوره : شهر داخلنده آسایش تماماً مفقود و آتارشی حکمفرمادر . واردار قپو خارجنده یکی محله ده اسلام قبطلرندن برینک زوجه سنی جوارده کی مزارلغه کوتورده رک ناموسنی پاغال ایتدکن صوکرآ قویون کی کسمش و باشی بدنندن آیره رق جسدی براقشدر و سر مقطوعنی آلوب کوتورمشدر .

ینه واردار قپو خارجنده کوریمجه لی واسیلک خاننده اقامت ایدن ، کوکیلی ویکیمجه اهاالیسندن اولوب عسکر البسه سنی چیقاره رق حیاتلرینی محافظه ایچون اوراده بارینان اون بر کدینک - کیجه ساعت یدیده یرلی بلغارلری اوکده اولوق اوزره بر قاچ بلغار عسکری کلرک - اوزرلرنده کی نقود و اشیای موجوده یی آلدقن صکره هپسنی باغلامشدر و صغوق پیکار موقعنه کوتوروب درلو درلو اشکنجه و عذاب ایله قتل ایتلددر .

بلغار مظالمی صوکر درجه ده در . سلانیکک بر ساعت طیاروسسندده کوزنه یولی اسلام نعلری ایله مالامالدر . بونلر سلانیکده بولنان مهاجرین اولوب مملکتلرینه کیشمک اوزره یونان حکومتندن آلدقلری کاغدلره استنداً یوله چیقمشلرسده اوراده بلغارلر طرفندن اتلاف اولتمشدر .
پورویده ایکوز اسلام سلخانه لره کوتوریلرک قویون بوغازلانبرجه سته کسمشدر . بو چاره لرک املاک حقدده ایکی اوچ کیشی حضورنده کویا آلم

صاتم معامله سی یاییلیور . والارندن سند آلتهرق باره لر یدلرینه صاییلیور . چچاره لر هیئت حضورندن چیقدفلرنده طیاروده کی جلادلر اولالارندن باره لری آلیر ، صوکرآ سلخانه یه کوتورده قتل ایدیورلر .
سیروزده قتل عام اجرا ایدیلرک بشیوز کشینک قانی بیوده هدر ایدلشدر .

سلانیکده کی عموم ترکیه غزته لرک انتشاری حکومت یونانیه طرفندن منع ایدیلرک مطبعه لری اوکده عکر اقامه اولتمشدر .

برطرفندن کولرینه کوندریلن اسلام مهاجرین یولده یونان ، بلغار چته لرینک هدف دانه خیاتی اولیور ، کندیلرینه کیسه دست معاونتی اوزاتمیور . یونان مدنیتک نه دیمک اولدیغنی ، نصل قانی بولندیغنی یقینندن کورمک مقدر ایتش ، بوغمز بوکولش طورییورز .
اسلام تجارتخانه لری الان قیالیدر .

بلغارلر اوکارنده میدانی بوش بولهرق وهرکیمک لری یرلره بلای مصیبت یاغدیهرق جمعه بالادن بدأ ایله سلانیکه قدر بالعموم معموره لری محو و خراب ایتلددر . بیکارله نفوس اسلامی چولوق چوجوق برآراده ، جامعلر ایچریسنده دیری دیری احراق بالنار ایتلددر .

دمیرحصار قضاسنک (پترووا) و (یترنا) قریه لری اهالی اسلامیته سنی ، شقی مشهور صندانسکی ذکورینی برجامعه ، اختیار قادیلرله ثیلری دیگر برجامعه طولدیهرق بیک بشیوزی متجاوز نفوس اسلامی غازه احراق ایتدکن صکره کنج قیز وقادیلری منک جهته سوق ایتلددر .

عورتحصاری قضاسنک (کرکود) قریه اسلامیته سی ایچنده غنی حالی بلغارک منتظم عسکری اجرا ایتش ، بوراده ده آتمش قدر کنج قادین وقیز مجهول برطرفه سوق ایتلددر .

عورتحصارینک جسم (قاره طاغ) ناحیه سنده کی اسلاملر مهش اشکنجه لره محو ایدیلر . صوروچ منطقه سنده نه قدر قرای اسلامیته وارسه هپس غنی دهشت و فجاعتک قربانی اولدیلر . بو احوال سلانیک عموم قونسلوسلرینک معلومیدر .

سلانیک شهری داخلنده ده یاییلمادق رذالت براقیلما دی .

یونان حکومتی سلانیک اشغالنک ایکنجی کونی ۷۶ قدر دین عادی ایچون موقوفلردن خریستیانلری ترخیص ایتش ، مسلمانلری موقوفاً براقشدی . بونلرک اوزرینه اوچ درت یوزده اسرای حریه اسلامیته علاوه ایدیلرک تمام اون کون بر درهم تعیین و یرلمش و بیچاره لرک اوزون کون اوزون کیجه اکمک دیه فریادلری محلاترده کی انسانلری حیانتندن یزار ایتش ، اولردن طویلانان اکملر بیک مشکلات ایله بو بیچاره لره توزیع ایتلددر .

هیچ بر حقیقی یازدیهرمزلر . ایتشه ماکدونیا یه مساوات وعدالت سوقنه قالفان متحد اردولرک کتیردیکی مدنیت ! اکثریتی حائر بولنان نفوس اسلامی تماماً محو ایتمک ایچون یاپلقدق فضاقت و جنایت براقیورلر . یا علنی قتل عام ، یاخود آجلقله ، سفالنه اتلاف ! عجا استانبولده مقیم دول معظمه سفراسی ۲۰ نجی عصر مدنیتده اجرا ایدیلن بو وحشتلری کوروب آکلامق ایسته میه جکارمی ؟

آرناوردقده :

پارسدن (نویه فرایه پرده) غزته سنه اشعار اولیور :

بوراده کی مقامات رسمیه صر بلر طرفندن اشغال اولنان اراضی سکنه سنه صوکر درجه ده وحشیانه مظالم اجرا اولندیغنه دائر رسمی ویم رسمی بر جوق حوادث و معلومات وارد اولمشدر . آرناوود اهالی یه قارش اجرای اولنان بومظالمک اصل صحنه لری اسکوب ، قومانوه ووه رشپا حوالیسنددر . واسطه مدافعه دن محروم اسلام آرناوودلر صرب عساکری طرفندن ظالمانه قتل ایدلمش و جسدلری واردار نهرینه آتشددر . بر فرانسر ، صر بلره نه قدر آز مقاومت ایدلمش ایسه ده آنلرک قتل عاملری اوقدر شدید اولدیغنی و قتل عام ایدیلرک اکثریتی کندی مدافعه دن عاجز کیسه لر بولندیغنی رأی العین مشاهده ایتشددر .